

程



重刊安陽集序



功蓋天下者其文章或掩於
功業而弗著於當時然終不
能泯焉者有所托而傳也非
傳之難也傳其全者之為難
也英雄豪傑曠百世而相感
或輯其斷簡於散逸之餘或

新其舊刻於漫漶之際是則
有所托而永其傳矣有宋忠
獻韓魏王德善功烈載於國
史者詳矣其大者經畧西夏
虜寒心膽定策兩朝功存社
稷天下後世兒童走卒咸慕
其名而其文集顧有經生皓

首不及見者今以其全集觀
之為家傳者十卷別錄遺事
各一卷詩記雜文表奏書啓
制詞冊文祭挽墓誌諸體又
五十卷要皆經緯化機根據
理窟豈屑於雕蟲者哉數百
年來其集不知凡幾易梓

侍御張公士隆復翻刻于河東之行臺殆所謂曠百世而相感者乎河東都轉運使王君宣以張公命屬予引其首簡誼不容辭夫以忠獻唱第而太史奏日下五色雲見須臾光映殿庭其功業文章可

易言哉至其自謂某為相歐陽永叔為翰林學士天下之文章莫大於此則公之志在經世而其文有非人所及知者可想見矣

張公按鄆巡鹺興利除害綽有餘地既建書院以正士習

而斯集行焉他日以文章勲業鳴於河汾追媿韓范者固有所感發而興起矣况同文之化遍於海內讀其書論其世尚友其人於千載之上又豈無望於天下士哉安陽者忠獻鄉邑而張公其里人也

集之傳盖有所自云

正德九年甲戌夏五月吉

賜進士中憲大夫山西按察司提學副使齊安曾大有書

安陽集目錄上

卷第一

古風二十三首

瓊花

夜合

蜂蠆

啄木

來鳥

感花

落葉

讀劉易春秋新解

荅孫植太傅後園宴射

廣陵大雪

荅袁陟節推遊禪智寺

和袁陟節推龍興寺芍藥

歲早晚雨

喜雪荅趙宗道學士

閱古堂

衆春園

覽資政富公新詩

謝資政富公再以近詩見寄

苦熱 後園寒步

臘日出獵近郊 病鶴貽劉易

示直彥

卷第二

古風二十二首

謝宮師杜公寄惠草書 遊開化寺

再賦 晉祠池魚 難老泉

甲午中秋夜不見月 病中望雪

離并州至晉祠次韻荅宣徽富公

塗次荅宣徽富公書意 畫錦堂

康樂園 休逸臺

荅章望之祕校惠詩求古瓦硯

荅陳舜俞推官惠詩求全瓦古硯

觀胡九齡負外書牛

中秋對月送姚闢教授南歸

喜雪 別鎮陽監倉陳薦祕丞

寒食親拜二墳因誡子姪

初赴早朝 次韻荅子淵學士

寄題西京致政張郎中靜居院

卷第三

卷古風九首

戊申臘寒 榮歸堂

謝并師王仲儀端明惠葡萄酒

安正堂 善養堂

孫賁書記以齊安舊文為示感而成詠

開泉 虛心堂會陳龍圖

醉白堂

卷第四

律詩五十四首

龍 鳳

次韻和春卿學士早春

明鎬學士領漕益州

次韻和子淵學士春雪

周沆著作宰秀州嘉禾

叔平學士知青州 館直二闕

張唐卿狀元通判陝府

和春卿學士柳枝詞五闕

和春卿學士上元罷燈

次韻酬子淵學士燈夕不出聞諸公繼

有遊賞

和邃卿學士雪霽登秘閣

上巳前與同舍出郊過金明池

安陽集目錄
和春卿學士登廣文書閣觀京闕之盛

和曼卿學士明河

葉參兵部知湖州

邵亢茂材南歸

陳洎太博知虢州

王礪寺丞河南知錄

次韻和方謹言郎中再觀省中手植竹

寄葉參兵部

馬尋比部兩浙提點刑獄

陳商學士知常州

得太清小檜植館中

宋仁著作作宰江寧溧水

道卿學士領二浙漕賦得酒

再賦柘枝詞二闕

離都俳劉八節接

寓目行早

登永濟驛樓

塗中暑熱憶諸同舍

聞角雄州遇雪北使晒備

紫濛遇風使回戲成過虎北口

戲題仙掌題利州昭化驛

過三泉龍門二闕漫天嶺

題嘉州嘉望亭

再賦一闕

韓瀆學士領益漕

卷第五

律詩四十二首

皇子誕慶五言十二韻

慶曆甲申郊禮告成五言十韻社齋路

雪作行禮日
景色斷霽

雲

霜

初雨

新柳二闕

惜花

柳絮二闕

錦被堆二闕

牡丹初芽為鴟啄之感而成詠

遊蜂

新燕

過隋城

苦雨方霽蛙聲不已

題翠鐘亭

蜀葵

中秋月二首

張逸人歸杭

荅丹陽李公素學士

謝丹陽李公素學士惠鶴

和澗倅王太博林畔松 菊

重九會光化二闕

黃通尉鄆鄉

荅胡恢推官

春晴

春霖

馬上成春雪二闕

過梁山泊

移帥真定次韻答致政杜公

常山出郊馬上口占

登西太悲閣

別澶

新館

次韻和兗州王待制過汶上見寄

中秋不見月

卷第六

律詩八十三首

北嶽

喜雪

上元罷燈

郡西齋有夜合萱草對開因成二闕

謝真定李密學惠牡丹

答陝府春卿資政

再答

題覽勝亭城上

題養真亭

北塘避暑

次韻和致政王子融侍郎歸休述懷二

首

次韻和真定李侍郎新剗流杯

次韻和機宜陳薦請遊城北池館二首

秋夕二首

秋日出郊

中秋月

蒙恩加職寄餘杭希文資政

重九次韻答真定李密學

次韻答致政宮保杜公

依前韻再答

送省副崔刑部

雪

白髮有感 晚步後園覺有春色

北樓春望 寒食 感事

上巳北塘席上 喜雨

北塘春雨 再謝真定李密學惠牡丹

新植花開 牡丹二首 落花二首

郡圃初夏 夏暑北塘

覽劉易詩集感其遊賞江山放懷自適

席上聞蟬

次韻和國信趙內翰北口見寄

寄題廣信軍四望亭

與餘杭希文資政經時兩絕音問忽得

一志 訊正與近致書同日因以詩寄

閱古堂八詠

牡丹 芍藥 垂柳

疊石 藥圃 溝泉

小檜 芭蕉

次韻答承旨王端明

七夕同末伏會衆春園 初秋塘上

次韻答渭帥王龍圖

覽渭帥王龍圖西行詩集

送劉易歸洛

次韻答侍讀張龍圖索閱古堂詩石本
閱古堂前植菊二本九月十八日花
猶未開因以小詩嘲之

北塘重九 試獵 禱雪有感

次韻答留臺春卿集賢侍郎

再答 再答 後園閑步

北塘探春 觀稼回北園席上

燈夕遇雪席上

次韻答致政杜公小詩見戲

次韻答致政杜公遷職惠詩

種樹 壬辰寒食衆春園

釋奠廟中作

壬辰重九即席

次韻答留臺春卿集賢侍郎見寄

壬辰歲除喜雪 賓鴈

卷第七

律詩五十五首

次韻答致政杜公以加節見寄

次韻答留臺春卿侍郎以加節見寄二

首

清明獲鹿道中

過井陘淮陰侯廟 離天威驛

過故關百井路山桃盛開

黑砂嶺路軒鞍過側石驛

出山口送門人曾宏祕校登第南

歸谷留臺呂景初殿院被召歸闕

初伏柳溪重九以疾不能主席因成小詩勸北園

諸官飲并寒秋晚過太原舊城

晉祠獅子柳在晉長生蘋在晉

過甘泉寺甲午冬閱

賀宮師杜公增秩

賀觀文富公遷職

賀春卿加大資政職

走筆戲呈機宜著作與諸同席

上巳柳溪席上次韻荅機宜張吉甫判

官勸飲柳溪嘲蓮

次韻荅永興安撫文公

次韻和都運崔諫議寄示立春前一日

宿嵐谷山程

代書寄太資政春卿侍郎

六月六日雨後過嶽廟遊從封寺觀稼

席上自和

待制崔嶧給事移守圃田

菊觴

北園秋雨 病中喜雪

屬疾

次韻谷運使揚旼舍人

至和乙未元日立春

元夕

春寒

後園春日 乙未寒食西溪

上巳西溪同日清明

水嬉

卷第八

律詩四十二首

謝宮師杜公寄示詩編

次韻謝宮師杜公惠詩慶富公為代

寺底遇大雨寄呈二運使

早行 褫亭道中農居

山行 過微子嶺 過吳兒谷

過涉縣熊耳山 至昭德

拜墳 喜雨 觀稼二首

觀稼回 早赴墳莊 再出行田

送張吉甫寺丞歸洛

賀春卿宣徽出帥延安

重陽甲子雨霽

登抱螺臺

次韻答滑守梅龍圖重陽惠酒二闕

次韻答滑州梅龍圖惠鼎州甘橘

寒食會康樂園

次韻答滑州梅龍圖以詩酒見寄二闕

拜西墳 次韻酬滑州梅龍圖惠詩

次韻和滑州梅龍圖寒食溪園

次韻答磁州王復都官

上巳會城北新磴

畫錦堂賞新移牡丹 暮春康樂園

庚申相臺閱稼 苦雨

次韻酬滑州梅龍圖惠酒

冬至前一日雪

臘日出獵二首 元日雪

新歲拜墳二首

寄并帥龐公古瓦硯

次韻答并帥龐公謝寄古硯

寄題滑州梅龍圖西溪園

寄題滑州梅龍圖西溪

卷第九

律詩三十六首

御製後苑賞花釣魚奉聖旨次韻

御製天章閣觀三聖御書奉聖旨次韻

恭謝天地慶成五言六韻

禘享慶成五言二十韻

明堂慶成五言二十韻

天章閣觀御飛白書五言十韻

樞廷對竹 韓縝太博之任洋州

谷定帥仲儀龍圖寄示閱古堂詩刻

夏暑書事 夏暑早朝二首

重九席上賦金鈴菊

召赴天章閣觀新相

祈雪宿齋醴泉觀

戊戌元日喜雪

張吉甫殿丞宰資陽

次韻和崔象之寺丞西亭雨中

庚子重九菊未盛開席上偶成

九日賞菊未開席上次韻答崔象之寺丞

承

覽崔象之寺丞詩編

和崔象之紫菊

祿享加恩押班宣制

辛丑中秋不見月

崔象之中舍宰陽翟

辛丑季秋大饗明堂中書宿齋

中書東廳十詠

迎春

牡丹

夜合

四季

綠篠

芍藥

山芋

盆池

假山

馴鵲

卷第十

律詩三十三首

崔象之宰韓城

駕幸西太一宮祈雨

駕幸西太一宮道傍耕桑者皆以茶絹

賜之

駕幸西太一宮陌上耕者叱牛聲厲左

右皆笑之

駕幸西太一宮謝雨

從駕過金明池

駕幸金明池

寄崔象之國博

甲辰景靈宿齋謝雨

癸卯喜雪

聞崔公孺國博將入都近重九未至
晚秋有感 次韻答崔公孺國博

先君寫真得永叔爲之贊而君謨書其
側崔公孺國博以詩稱美次韻答之

次韻和崔公孺國博觀君謨所書孝親

崇福院牌

次韻和崔公孺國博觀新模鄴王書

次韻和崔公孺國博模刻文正范公閱

古堂詩

次韻和崔公孺國博新模正獻杜公草
書

次韻答崔公孺國博西亭感懷

甲辰冬雨 留崔公孺國博

乙巳重九

乙巳郊禮慶成五言二十韻

次韻和崔公孺國博西亭感懷

感春貽崔公孺國博

次韻和崔公孺國博黃杏花

貽崔公孺國博

次韻和崔公孺國博遊興國寺廣嚴院

次韻答崔公孺國博西亭燕飲

丙午上巳瓊林苑賜筵 首夏西亭

召赴天章閣觀新刻仁宗御詩
次韻和崔國博西亭喜雨

卷第十一

律詩三十二首

永興寒食後池
席上自和

清明興慶池上
垂蘿洞

上巳會興慶池二首

上巳晚遊九曲池
春陰馬上

聞轉運范純仁司封會興慶池

登廣教院閣
賞北禪牡丹

次韻和都運孫永待制廣教院三頭牡丹

丹
賞西禪牡丹

四月望日會興慶池

送湫馬上始見終南

會故集賢崔侍郎園池
再賦

登崔園城上亭

覽諸人贈狄國賓察推詩

送范純仁司封移漕京西

涼樹池二闕

長安府舍十詠

流泉
涼樹
北塘

雙石
月臺
池亭

山樓

流杯

石林

竹徑

卷第十二

律詩二十二首

題致政趙剛大卿卧雲堂

題致政趙剛大卿宴息堂

戊申未伏與立秋同日

初伏長安遇雨

題靈泉觀

題温湯

題朝元閣

遊石甕寺路險而返

靈泉覽古

題鎮潼西溪

題靈臺觀

題希夷先生真堂

仲秋之八日都雲臺觀冲觀大師北軒

群花盛開

題玉泉院

硤石道中 澠池道中

戊申西洛中秋對月

次韻荅崔公孺比部至陳橋驛來別相

會 又次韻荅夜宴陳橋驛

又次韻荅陳橋話別

重九與諸親會別陳橋驛

早發韋城

卷第十三

律詩二十三首

初拜先墳 再題畫錦堂

再題休逸臺 再題康樂園

狎鷗亭 觀魚軒 洗竹

刪栢 放泉 冬至祀墳

燒煤戲成 悲二木 喜雪

雪霽登休逸臺

謝觀文趙尚書寄示集注老子

雙磴 壕林

元日祀墳馬上 栽花二闕

次韻荅并帥王仲儀端明以詩見寄

次韻荅宮保張丞相公長篇見寄
留題相州王琦執官園亭

卷第十四

律詩三十一首

次韻荅王拱辰宣徽將交政惠詩

上巳屬疾 會食許公亭

扶溝宰周源來求二蘇兄弟留題于白

鶴觀詩 次韻荅子淵趙學士

再荅二闕 寄致政趙少師

又寄二闕 登望宸閣 登金銅門

立秋日後園 已酉中元

中秋席上 九日水閣

次韻和機宜強至都官喜雪

次韻再答 雅集堂 望宸閣雪後

已酉歲除夜雪 春陰席上

龍興燈夕 上元遇雨席上

春雪 中和節後園

仲春釋奠

庚戌二月十六日寒食會雅集堂

會慶沙寺觀梨花

次韻和宋适推官歷沙惠詩

過全福寺

卷第十五

律詩三十二首

上巳會許公亭二首

次韻和通判錢昌武郎中上巳許公亭

惠詩

次韻和留守宋适推官遊宴御河二首

三月十八日上水關

三月十八日會望春亭 西園初暑

寄西臺子淵趙學士 苦熱未雨

雨足晚晴 庚戌秋分 中秋遇雨

次韻和通判錢昌武郎中中秋遇雨

中秋筵散雨餘見月色

重九會安正堂

重九晚登騎山樓

壓沙寺梨

送鄉師上人

送謝山人歸紫霄舊隱

通判錢昌武代歸以詩見別次韻為答

屢雪

雪二十韻

次韻和張宗益工部初到相臺書事

再和

又次韻和題休逸臺

再和

次韻答張宗益工部

殘臘

次韻答致政宮師張相公

次韻答相州張宗益工部

又次韻答

卷第十六

律詩三十二首

辛亥二月十五日

辛亥寒食

清明會壓沙寺

同賞梨花

又一闕

辛亥上巳會許公亭

許公亭席上別鎮師呂公孺諫議

同賞牡丹

辛亥三月十八日遊御河二首

遊河遇雨

次韻答致政趙少卿

喜雨應禱

次韻荅簽判沈唐太丞應祈雨足

寄致政歐陽少師

盛暑思接榮歸之遊寄相守張工部

辛亥七夕未伏

七夕會閑亭觀蓮

貽邢臺史大卿

元城歸行河

行河道中

辛亥八月十六日社始月望

辛亥八月十六日夜復值陰晦

中秋飲散始微見月

九月四日會安正堂

辛亥重九會安正堂

即席再賦

辛亥重九登騎山樓

和運判張端祕丞戲題安陽郡園

代郡園見荅

再戲郡園

再代荅

卷第十七

律詩三十三首

御河舟中 視河愜山

至節筵間喜雪

元霄席上

次韻荅致政歐陽少師退居述懷二首

壬子上巳會許公亭

上巳視愜山新堤

壬子寒食會慶沙寺二首

同賞梨花 落花

壬子三月十八日遊御河二首

舟中再賦一闕

安正堂觀牡丹

致政宮師張相公遠惠嘉篇謹次元韻

為答 又次韻和續成絕句

聞致政趙少師遠訪歐陽少師于穎川

同前都水王荀龍郎中將率二三知舊

遊天平山寺

次韻答致政趙少師感懷

壬子中秋對月

登大安寺閣

八月十九日賞菊

壬子九月七日會大安寺

壬子重九 趙資政再尹西蜀

壬子冬至喜雪

次韻答接伴夏倚少卿

壬子十一月二十九日時雪方洽

新移宴廳 癸丑燈夕

壬子春分方見迎春盛開以小詩嘲之

卷第十八

律詩三十二首

癸丑初拜先墳

次日早赴西墳

初會畫錦堂

次韻答提點醴泉張宗益工部喜還鄉

郡

初會榮歸堂

再題狎鷗亭

初登休逸臺

榮歸觀蓮戲成

再葺雙磴

喜雨

再題康樂園

次韻答安撫滕甫侍讀誕日惠詩

癸丑十月會北第

中元疾起

次韻答張宗益工部喜陳薦龍圖竇舜

卿侍郎司至相臺

次韻答陳龍圖述北第林泉之勝

題王荀龍郎中長興院新葺雙清堂

八月十四日留監牧張守職方賞月

中秋陰未見月

次韻答前水監王荀龍郎中重九感懷

重陽二首 次韻答提舉陳龍圖重陽

感舊

秋晚赴先塋馬上

初冬祀墳二首

次韻荅判河陽文潞公述相洛所居之

勝

題忘機堂

屬疾

再題觀魚軒

歲末省墳

卷第十九

律詩三十八首

元日祀墳 喜雪

甲寅燈夕會淨明寺

甲寅上元

次韻荅王荀龍郎中旅次除夜

寄題致政李太傅園亭

早春病起

北第落花新開

郡圃春晚

寄院主淨慧大師

春寒呈提舉陳薦龍圖

癸丑再題康樂園

春日礪亭同會

寒食祀墳二首

寒食東墳

靈嶽道中村名

清明同上已

寒食開園

書錦堂同賞牡丹

書錦堂再賞牡丹

暮春書事

暮春書事自和

北第同賞芍藥

狎鷗亭同賞

芍藥

久旱喜雨

初伏避暑

寄提舉劉司封

七夕

次韻荅文侍中寄示韓晉公村田歌舞
圖顏魯公跋尾仍使題于後

甲寅中秋對月二首

提舉陳龍圖遷居邢臺二首

甲寅重九 孟冬朔日祀墳二首

祀墳馬上

卷第二十

律詩二十七首

次韻荅趙少師以南京永壽禪院主僧
崇祐於新鐵鑄佛大殿後建堂寫真
於其中

次韻荅提舉劉司封見訪

次韻和文潞公題王右丞絳綢川圖

次韻和文潞公題韓晉公村田歌舞圖

次韻荅提舉王郎中

次韻荅提舉王郎中歲除有感

閔農 假竇侍郎安車元日祀墳

元日祀墳道中

提舉陳龍圖春寒惠然見訪

北第會陳龍圖

鷺老庵會陳龍圖

浮醴亭會陳龍圖

提舉陳龍圖特垂顧遽促歸軒

乙卯上巳會浮醴亭

三月五日會浮醴亭

乙卯寒食祀墳 祀墳道中

祀墳遇風 北第同賞牡丹

觀工推官園牡丹

乙卯書錦堂同賞牡丹 柳絮

乙卯北第同賞芍藥

北第毋賞芍藥

狎鷗亭同賞芍藥 初會醉白堂

卷第二十一

定州重修北嶽廟記

定州新建州學記

定州衆春園記

定州開古堂記

并州新修廟學記 相州新修園

池記 揚州廳壁題名記

定州廳壁題名記

晉太尉嵇公廟記

卷第二十二

序

諫垣存藁序

文正范公奏

議集序 韓氏家集序

三司封荆王集後序 三朝聖政錄

序 趙少師續注維摩經序

韓氏參用古今家祭式序

卷第二十三

雜文

題柳仲塗天平山記後

無友不如己解 策問

五賢贊并序 孟子 荀子 文子 楊子

三賢贊并序 王子產 裴公

故衛尉卿贈兵部侍郎高公寫真贊

揚州蓮花漏銘 裕享樂章二

首 嘉祐明堂樂章一首

唐太子太師贈司空鄭國魏公贊并序

卷第二十四

表狀

代三司謝賜內藏庫綉絹表

謝知制誥表

謝降御前劄子表 謝復官表

謝轉官充秦鳳路經略安撫招討使表

謝改觀察使表 謝賜詔書示

諭表 辭免諫議大夫表

涇州謝差中使宣諭表

賀皇子降生表

遷葬求郡謝賜批荅不允表

卷第二十五

表狀

揚州謝上表

謝轉給事中

表

揚州謝賜曆日表

賀鴻慶宮奉安三聖御容禮畢表

鄂州謝上表

成德軍謝上表

定州謝上表

謝賜禁中銀救濟飢民表

謝賜詔書漿諭表

辭免資政殿大學士第一表

第二表

謝表

謝轉禮部侍

郎表

謝加觀文殿學士再任表

卷第二十六

表狀

辭免武康軍節度使表 第二表

謝表

并州謝上表

乞知相州第一表

第二表

知相州乞罷節鉞表

相州謝上表

卷第二十七

表狀

辭免集賢第一表

第二表

謝表

辭免祿享加恩第一表

第二表

謝表

辭免昭文第

一表

第二表

謝表

進嘉祐編勅表

辭免登極覃

恩第一表

第二表

謝皇帝表

謝皇太后表

卷第二十八

表狀

甲辰冬乞罷相第一表

第二表

第三表

乙巳夏乞罷相第一表

第二表

第三表

災異待罪第

一表

第二表

第三表

乙巳冬乞罷相第一表

第二表

第三表

安陽集目錄下

卷第二十九

表狀

丁未因中丞彈不赴文德殿常朝待罪

第一表 第二表 丁未夏乞罷

相第一表 第二表

第三表 丁未秋乞罷相第一表

第二表

卷第三十

表狀

辭免使相第一表 第二表

謝除使相判相州表 免冊命表

謝賜字表 永興軍謝上表

戎中相州謝上表

卷第三十一

表狀

判大名府三年乞閑郡第一表

第二表 第三表 第四表

第五表 北京謝再任表

判大名府再任滿乞都第一表

第二表 第三表

北京河決待罪表

卷第三十二

表狀

癸丑相州謝上表

謝賜生日禮

物表

賀收復熙河等州表

謝放免勤劾相州差壯城兵士表

甲寅秋乞致仕第一表 第一表

第三表 乙卯夏乞致仕第一表

第二表 第三表

卷第三十三

奏狀

乞外任知州狀

辭免諫官第

一狀

第二狀

代張若谷密

學舉官自代狀

授起居舍人舉官自代狀

授知制誥舉官自代狀

代中書謝歲節御筵狀

代中書謝進皇子降生詩獎諭狀

進皇子降生詩狀

應詔舉王居白堪充選擢任使狀

乾元節陳乞姪景淵恩澤狀

移帥陝西緣邊四路謝賜緡錢狀

陳乞姪景先差遣狀

明堂陳乞妻甥杜儀恩澤狀
中書進天童閣觀祖宗御集錫宴詩狀
中書進仁宗英宗挽辭二狀
上永昭永厚陵名二狀

卷第三十四

奏狀

辭免三司使

辭免樞密使

第二

第三

甲辰冬乞罷

相

第二

第三

第四

第五

乙巳乞罷相

乙巳冬乞罷相

第二

第三

第四

第五

丁未春辭免司空兼侍中

第二

第三

丁未秋乞罷相

第二

第三

第四

卷第三十五

奏狀劄子附

罷相辭免兩鎮

第二

第三

第四

辭避賜第

第二

乞男忠孝召試中等與館

職

永興軍乞移鄉郡八狀

第二 第三 第四

第五 第六 第七

第八 修仁宗實錄畢乞不推恩

辭免河北四路安撫使 第二

乞只充大名府路安撫使

第二

卷第三十六

奏狀 劄子附

北京乞就移徐州 第二

第三 第四

到魏二年乞移刑相州 第二

第三 第四 北京辭免加

節再任 第二 第三

謝令男忠彥撫諭

到魏三年乞納節移刑相

第二 第三 第四

第五 第六 第七

劄子 到魏四年乞移鄉郡

第二 第三 納北京再任

加恩告勅并支賜申狀

甲寅秋乞致仕 第二

第三 乙卯夏乞致仕

第二

卷第三十七

書啓

與文正范公論師魯行狀書

獻所業上兩府啓

謝直集賢院啓

謝知制誥啓

謝復官啓

謝觀察使啓

上大名知府

王龍圖啓

代張若谷密

學謝啓

代司封兄上昭文相公啓

代崔勉寺丞謝轉官啓

卷第三十八

書啓

昭文相公似可封兄

集賢相公

中丞

轉運賀冬

洪州知府學士

昭文相公

集賢相公學士

安撫待制

鄂州知郡郎中

狀元大著學士

詳議殿丞

淄州知郡學士

運使郎中

楚州知郡都官

海州知郡郎

中

宿州同判屯田

秀才杜

轉運祠部

撫州臨川知縣寺丞

光州知郡狀元學士

明州同判屯田

相州知府學

士

舒州知郡郎中

狀元正言學士

楚州知郡都

官

運使學士

江西運使兵

部

壽州知府學士

知府密學

永興招討太尉

同前

同前

鄆州赴上謝

兩府

乞致政上二相

卷第三十九

書狀

大使回諸州去日遠迎

副使

大使回天雄軍澶州二運使去日遠迎

副使

使副回去日不經歷州軍

遠迎

大使回諸州回日遠迎

副使

大使回天雄軍澶州并二

運使回日遠迎

大使去日回

滑州書

白溝謝筵狀

以卜契丹國表狀

新城謝撫問表

燕京謝酒菓

狀

檀州謝湯藥表

副使

中京謝皮褐衣物等表

謝館宴狀 謝簽賜酒食狀

謝酒果狀 謝春盤幡勝狀

謝生餼狀 謝射弓筵狀

謝餞筵狀 回燕王狀 副使

回中京留守狀 副使

謝燕王請赴筵狀 副使

謝中京留守請赴筵狀 副使

謝中京留守餞送狀 副使

謝燕王餞送狀 副使

卷第四十

制詞

中書試制詔三道

邊鎮節度使加同平章事制 限二百字

中書舍人除御史中丞制 限一百五十字

誠勵風俗浮薄詔 限二百字

王堯臣除翰林學士制

郭稹除刑部員外郎制

魏昭昞除防禦使制

王克基除東上閣門使制

龍昌期等授試國子四門助教制

夏隨除觀察使制

李端愿除西上閣門使制

吳有隣除駕部員外郎制

王果除諸司使制

江中立除祕書丞制

高繼隆除諸司使制

韓鑑除祥符縣主簿制

穆思齊除大理寺丞制

陳道古除大理寺丞制

柯慶文除著作佐郎制

燕寢除大理評事制

李迪曾祖在欽贈太師制

曾祖母潘氏追封魯國太夫人制

祖令珣贈中書令制

祖母白氏追封國太夫人制

祈福道場白文

祈福道場功德疏文

卷第四十一

冊文

仁宗皇帝哀冊文

英宗皇帝尊號冊文

英宗皇帝哀冊文

卷第四十二

祭文

代開封知府諸廟謝雨文

揚州祭聖母祠祈雨文 諸廟祭文

北嶽祈雨文 北嶽祈雨文

北嶽祈雪文 北嶽謝雪文

北嶽謝雨文 北嶽祈雪文

北嶽謝雪文 北嶽再祈雪

文 太原諸廟祈雨文

諸廟謝雨文 蒙山祈雪文

諸廟祈雨文

祭告四代祖鼓城府君文

祭告四代祖塋土地文

祭告五代祖庶子文

祭告五代叔祖二處士文

祭告永寧軍先塋土地文

葬安國夫人祭告祖塋文

葬安國夫人祭告先塋文

卷第四十三

祭文

祭龍圖尹公師魯文

祭文正范公文

祭僕射王公伯庸文

祭正獻杜公文

祭狄相文 祭贅隅先生文

祭范寬之刑部文 祭文潞公太

夫人文 祭崔良孺殿丞文

卷第四十四

祭文

祭資政吳長文文 祭安退先生

劉君文 祭崔公孺比部文

祭致政學士趙君子淵文

祭少師歐陽永叔文

卷第四十五

挽辭

章獻明肅皇太后挽詞二首

章懿皇太后挽詞二首

章惠皇太后挽詞二首

仁宗皇帝挽詞三首

英宗皇帝挽詞三首

司徒侍中杜公挽詞三首

僕射王公挽詞三首

張汝士寺丞挽詞二首

江西提點刑獄閻顯郎中挽詞一首

致政王子融侍郎挽詞三首

太尉侍中宋公挽詞三首

蘇洵貞外挽詞二首

太尉呂公挽詞二首

卷第四十六

墓誌

錄附鼓城府君墓誌石木序

錄載五代祖庶子并其二弟墓誌序

重修五代祖塋域記

叙先考令公遺事與尹龍圖書

太夫人胡氏墓誌銘

長兄德清尉墓誌銘

二兄監簿以下墓誌銘

三兄司封行狀

五兄著作墓誌銘

新婦賈氏墓誌銘

誌石蓋記

姪太常寺太祝直

考墓誌銘

錄夫人崔氏事迹

崔殿丞請為行狀

姪殿中丞公考墓

誌銘

姪孫試祕書省校書

白郎確墓誌銘

姪孫愷墓誌銘

姪孫四殤墓

記

三姪幼女墓

記

卷第四十七

墓誌

故崇信軍節度副使
檢校尚書工部員

外郎尹公墓表

故衛尉卿致仕高公墓誌銘

故太常博士通判
心天府贈光祿少卿

孫公墓誌銘

故客省使眉州防知
使贈遂州觀察使

張公墓誌銘

故尚書都官員外
贈工部郎中杜公

墓誌銘

故將作監丞通判
陝府張君墓誌銘

故河南尹君墓誌銘

卷第四十八

墓誌

故許州觀察推官曾君墓誌銘

故安康郡太君陳氏墓誌銘

故仁壽縣君張氏墓誌銘

故壽安縣君王氏墓誌銘

故東平縣君呂氏墓誌銘

卷第四十九

墓誌

故祕書省校書郎韓恬墓誌銘

姪孫亶奴墓誌

故尚書比部員外郎崔君墓誌銘

故尚書祠部郎中集賢校理致仕趙君

墓誌銘

故太常博士周君墓誌銘

卷第五十

墓誌

故觀文殿學士太子少師致仕贈太子

太師歐陽公墓誌銘

故樞密直學士禮部尚書贈左僕射張

公神道碑誌

故尚書工部侍郎致仕贈工部尚書崔

公行狀

安陽集目錄下畢

安陽集

下

安陽集卷第一

宋忠獻魏王韓琦 著

賜進士監察御史安陽張士隆重刊

古風二十三首

瓊花

惟揚一抔花四海無同類
 年年后土祠獨比瓊
 瑤貴中含散水芳外團胡蝶
 戲除麝不見香芍
 藥慚多媚扶踈翠蓋圓散亂
 真珠綴不從繁格
 繁自守幽姿粹嘗聞好事家
 欲移京轂地既違
 孤絮情終誤栽培意洛陽紅
 牡丹適時名轉異
 新榮託舊枝萬狀呈妖麗
 天工借顏色深淡隨

人智三春愛賞時車馬喧如市草木稟賦殊得
失豈輕議我來首見花對花聊自醉

夜合

俗人之愛花重色不重香吾今得真賞似矯時
之常所愛夜合花清芬踰衆芳葉葉自相對開
歛隨陰陽不慚歷草滋獨擅堯堦祥得此合歡
名憂忿誠可忘茸茸紅白姿百和從風颺沉水
燎庭檻薰陸紛纓棠彌月固未歇況茲夏景長
凡目不我貴馥烈徒自將仲尼失滅明史遷疑
子房以貌不以行舉世同悲傷予欲先馨德群
艷孰可方直饒妖牡丹須讓花中王

蜂蠱

事小不可忽義或戒以蜂蠱蜂蠱之中人始意脫
已害人兮怒一蠱爲報速睚眦白晝擿危巢夜
燭窮纖介必獲而後已之死已爲快彼誠蓄微
毒謂已有所賴失於小不忍而自取糜壞吁嗟
陰巧徒毒萬蜂蠱大包淋中善良斷腕未足駭
小或一身危甚則家族建淵微如鬼神無隙可
漏敗君子被戕賊守道不爲怪有時醜迹露事
或無可柰一旦吾道行乃直之度外使其自愧
縮似不容覆載非力不足取顧有盛德在陰巧
既常幸蜂蠱胡不佩

啄木

剝剝復卜卜意若念良木
豈營求蠹心未獲空
我腹或露一襠紅或展雙
心絳捷緣都盧撞響
弄羯鼓曲搜索不知疲利
此信摧禿忽爾破姦
穴種類無遺族內孽固難
辨一發知潛伏彼實
害珍材盡殄此非酷直疑
天意深不使嗜梁肉
專為衆蠹仇待飲弗與足
如今知庶味恣擇蟲
與粟杞梓任陰賊長啄罷
攻觸飽食竹羣飛時
下泉沼浴歸鳴涼樹陰暮
赫高枝宿

來鳳

來鳳趨社期翩若天外至
徘徊大厦間汲汲營

巢意中心有所託自謂得其地
銜泥兩吻瘡且暮不少憇主人
愛高屋呈病爾如疣贅爾巢屢
膚寸長挺輒摧墜胡為不識嫌
又續前功棄何處無蓬茅自足
為生計不爾郊而覆其禍愈非
細予旣傷爾愚竊復探爾志孜孜
不忍去欲動主人義萬一憐其勤
庶雜以息我類巨陳旣不撓出
處安且貴其能無報乎唯守信無
貳年年應候來馴狎如兒稚雙
雙軒戶前為君作嘉致不學君
家客去就惟勢利微羽一知歸
至死不他詣

感花

彫堂瞰寶欄有花病不妍
誰知窮山顛牡丹一

尺圓寶欄鋤漑足窮山風日煎彼此不得地天
道胡爲然兩適豈易得茲恨無窮年

落葉

人觀落葉悲我視落葉喜請看四序速次第若
屈指風霜一瞬過望春時有幾榮固悴之端衰
亦盛之始須知衆木蹊便是群芳啓舉此較人
事蓋不異物理否泰與消長反復殊未已釀酒
整笙歌坐待新萌起

讀劉易春秋新解

夫子春秋之所記二云四十四有二年謹嚴之法
不可犯欲示萬世天子權禮樂征伐必上出諸

侯雖大莫得專周平東遷魯君隱王綱壞裂勿
復聯天王所存位與號列國自用公承傳齊桓
晉文無實義挾周徇已掩大愆不歸聖筆立中
制誰其當罪誰其賢紛紛五傳角同異各專門
戶執所偏遂令學者蹈迷徑不探元本遭霸牽
至于歆向父子間亦反天性相鑿鑿何休杜預
范甯輩離經附傳以臆箋膏肓廢疾互譏病雖
欲針起難自痊前人文字安可數議難啾唧秋
嘒蟬有唐名儒陸淳者始開奧壤窺源泉我朝
又得孫明復大明聖意疏重淵劉生新解最後
出了無塞礙成通川所趨旨義極簡正撐拄異

論事且堅事不歸王昔不與達經之志所以然
詩三百可一言蔽曰思無邪而已焉方今四海
大一統萬里號令猶君前安不思危易其治母
容僭亂生階綠往持此說助邦政坐令當宸尊
如天

答孫植太博後園宴射

花稍點紅牙絳茁宴亭爽堦堦雲列呼賓習射
次序升體裁人人矜勢控六鈞力副百中藝由
基注目老羿拽支左屈右何太工象弭急收如
列缺須臾一鏑入鵠心畫鼓連轟盡聲唱後者
審固意愈精有時大呼去劈箭苦惜哉最是毫

蒼差彩侯似動箭微擣分明角勝各記暈將終
或爲一箭奪當筵主籌令難犯大白時舉出正
罰此禮自古尤所重矍圃去留宜有別五善大
抵主和容不止穿楊與穿札因憶當年黠羌叛
非才誤授將軍鉞帳下貔貅十萬師力過生犀
心似鉄天仁未許覆兇巢飭謹封垂禦侵越悍
夫猛士志待騁貯填憤氣何由洩正值高秋天
氣寒塞場霜重嚴風刮約束偏裨整隊兵旌旗
爍電戈矛雪驅出長郊閱奇陣離合應麾皆有
節次引精銳較絕技控弦命中無虛發氣豪馬
健走危坡直下千尋未嘗廢收軍校獵圍平原

犬順人呼鷹解絀山麋衝軼犯勁矢崗兔奔跳
迷狡穴大鵬盤空不輕搏老狐仰視肝膽裂駐
鞍賞獲犒部曲浪瀉酒車輪染血將軍未酣衆
心醉耳後風生鼻頭熱此日淮藩奉寬詔朱輪
慢輾行春轍鈴索聲沉訟牒稀優游大可養踈
拙斜蒿青青鱸膾新公醪香重醅才撥射堂對
客且相娛不妨樂事陶嘉月襟懷聊與水雲閑
夢魂猶寄關山闊逢辰未立赫然勲破的求功
眞瑣屑欲得心如外貌歡報國之誠盡攄豁

廣陵大雪

淮南常歲冬猶燠今年陰沍何嚴酷黑雲漫天

一月昏大雪飛揚平壓屋風力軒號助其勢擺
撼琳琅摧凍木通宵徹晝不暫停堆積樓臺滿
溪谷有時造出可憐態柳絮梨花亂紛撲乘温
變化雨聲來度日階庭恣淋漓幾縈寒霰不成
絲驟集踈簷還掛瀑螿蛙得意欲跳擲幽鷺無
情成挫辱罾魚江叟冰透蓑賣炭野翁泥沒輻
閭閻細民誠可哀三市不喧游手束牛衣破解
突無煙餓犬聲微飢子哭我聞上天主時澤亦
有常數滋農穀膏潤均於一歲中是謂年豐調
玉燭此來盛冬過爾多却慮麥秋欠霑足太守
憂民仰天祝願御氛霾看晴旭望晴不晴無奈

何擁被醉眠頭更縮

荅袁陟節推游禪智寺

春去惜餘景偶來郊外觀蕪城千古恨一顧殊
悲酸荒祠枕大道尚記吳城邦遠近緋陰合水
襯紅夾殘隴麥齊若弱隨風卷波瀾罷農喜有
望守臣心粗寬蕭疎禪智寺壞址不甚完叢花
亂芍藥籬竹摧琅玕空有亭亭栢成行如筆端
供帳具朝膳僚案成清歡小杜詩板暗樂石曾
未刊乘興詣茶圃百步登平巒摘焙試烹啜甘
挹零露溥午過倦微暑堤路騰歸鞍天子憂歲
旱引咎古所難列郡承新詔朝夕弗敢安况此

行春意固不在遊盤朝廷責吏治莫若久其官
政和氣亦應災冷無由干願禪三載舊庶幾酬
素發

和袁陟節推龍興寺芍藥

廣陵芍藥真奇差名與洛花相一洛花年來
品格卑所在隨人趨高價接頭着處騁新妍輕
去本根無顧藉不論姚花與魏花只供俗目陪
妖姹廣陵之花性絕高得地不移歸造化大豪
大力或強遷費盡雍平培無艷冶東君固是花
之主一苞萬萼從榮謝似矯東君沈愛心枉殺
春風不肯嫁遂令天下走香名鬢鬢丹青競誇

詫以此揚花較洛花自合揚花推定霸其間絕
色可粗陳天工着意誠堪訝仙家冠子鏤紅雲
金線粧治斗無匹亞旋心體弱不勝枝寶鬢款
斜猶墮馬冰雪肌膚一纈斑新試守宮明似赭
雙頭兩兩最多情象物更呈鞍面穴樓子亭亭
欠姿媚特有怪狀堪圖寫見者方知畫不真未
見直疑傳者詐前賢大欲巧賦詠片言未出心
先怕天上人間少其比不似餘芳資假借我來
淮海涉三春三訪龍興舊僧舍問得龍興好事
僧每歲看承不敢暇後園栽植雖甚蕃及見花
或由取捨出群標致必驚人方徙矮壇臨大廈

冬來只見軒檻前國艷天姿相照射因知靈種
本自然須憑精識能陶冶君子果有育材心請
視惟揚種花者

歲早晚雨

慶曆丙戌夏旱氣蒸如焚行路盡嬰暍居人猶
中瘟墮鳥不收啄游魚幾爛鱗締綌亦難御更
值成雷蚊驕陽斷雨脉焦熬逾五旬農媵坐耗
裂縱橫龜灼文衆目血坼皆日睇西郊雲守臣
卹民病心亂千絲焚祈龍割舒鴈縱陰開北門
古法又弗驗群祠益致勤徧走于境內神若若
不聞或時得泛灑濛濛才濕塵豐年望旣絕節

候俄秋分忽爾降大澍霄冥連日昏垂空狀戰
戟入雷疑傾盆禾田十九死強漬枯槁根蕭稂
賤易活勢茂如逢春蛙黾渴易滿泥躍嬉成群
濟物乃容易應時何艱辛轍鮒骨已壞徐激西
江津谷黍霜已厚始調鄒律温天氣孰可問對
之空氣吞

喜雪答趙宗道學士

去年大雪如山積今年大旱千里赤凍民虛死
夾實少稻子空乾無一獲陰陽之沴已過老物
理固知當反極入冬和氣漸融怡霈澤時時蘇
土脉廣莫朝來一陣寒變作雪花紛亂圻瓊樹
瑤臺豁眼明直疑悞到神仙宅城中喜色與歡
聲併在高樓歌舞席老農視之笑復帝大言累
歲遭凶厄纔下種時雨雪多禾稼欲成無一滴
此回雖有豐登兆未信天公真愛惜太守聞之
亦慘顏造化誠哉非易測但願天意悔前禍豈
使吾民常感感

閱古堂

仲尼大聖人文武亦云學况其下者乎而不事
龍豸伊予之逢辰進本任愚僕今辱寄中山地
重扼幽朔自懼不克堪誤上所東擢古之良守
帥功業甚竒卓思以救空踈志慕極堅確後圃

新吾堂左右謹圖摸公餘時縱觀大可傲齷齪
奔雷發聾聵皎日破昏濁苟能奉規矩曷愧大
匠斲或此賢賓僚指顧使揚擢四座企清風耳
目外優樂予好虛名執事實出誠慤庶幾得消
塵聊以助海嶽唯有大忠心不在先覺覺

衆春園

山山雄北邊地得要害扼烽警昔未徹民日困
兵革一從無事來歷祀且半百戈矛旣錢鏹比
屋遂仁宅人生亦自勞營業鮮暇隙誠哉百日
勤固願一日適為政本人情三代所不易漢吏
稱循良在宣布恩澤茲吾治廢園大揭衆春額

庶乎時節遊使見太平迹園中何所有風物難
具籍方塘百畝餘遙派逗寒碧虛亭跨彩橋孤
嶼管幽石環堤柳萬株無時張翠帟移得江南
天不覺萬里隔芳林灼灼花次第錦繡坼三春
爛熳時為小開宴席觀者如堵牆士女雜城陌
野熊得天真靚粧非俗格惟意任所如去來何
絡繹多歡知有公勝致駭非昔如登老氏臺懷
抱固不釋旣以休吾民又足奉嘉客清暑暨涼
秋池景尤可惜紅葉四照香風送入締綌乘興
命輕舟縱賞緩撐刺芳餌須繪資緋房欣手攜
就飲圓荷中一當數大白時見群鷗飛驚此紅

袖拍獻酬如未快申令喜相搦或見大敵怯便
可遺巾幘酣戰方氣振平俄景忽晡夕人笑山
公歸酩酊倒巾幘誰知酩酊心自有制勝策

覽資政富公新詩

賢輔于朝廷中外唯所用中則翊萬樞天業日
以重外則泰一方君治亦云共公今得淮康入
厦輟隆棟惠政聊一施萬室絕愁痛獄訟不復
煩甘脆誠足奉優游爲文章六義本規諷長篇
燦巨軸郵驛邈見送發函捧瓊瑰再拜喜吟誦
高調旣古雅奇格復豪縱鈞天張廣樂累夕駭
俗夢宛馬歷夷途萬里不可控李杜若復生屈

伏事非恐况夫淺淺流固莫測源洞何時袞衣
歸瞻望慰民衆事業追夔龍風烈陋姓宋曰賡
元首歌間助薰琴弄太平告成功郊廟形嘉頌
九奏人神和舞獸而儀鳳休聞狼跋詩萬世發
長慟

謝資政富公再以近詩見寄

惟公之所存致后協二典當入相天子賢業遂
大展萬類隨坏陶四時無盭舛如何守一藩疾
甚斥和扁遂令康濟功鬱拆未恢顯寄懷吟咏
間唯以道自遣公才如河源渾渾日東演洪濤
奔巨海萬里縱傾卷小哉西北流孰可議深淺

公思如天匠春物歸裁剗珍叢與竒葩萬態極
婉變一一得天真傲象困彫剪河源無時窮天
匠非出辨胡為每成編遂以貶罷輒裸壤木無
知安足道文冕俚耳固不通烏用奏姑洗我實
知公心愛我久益腆誘我進學勤要在納諸善
我素荷公德公教敢不踐諷誦復宗師夙夜以
自勉

苦熱

皇祐辛卯夏六月朔伏暑始伏之七日大熱極
炎苦赫日燒扶桑焰焰指亭午陽烏自焦鑠垂
翅不西舉炙翻四海波天地人烹煮蚊龍窟潭

穴汗喘不敢雨雷神袍棼逃不顧車裂鼓豈無
堂室深氣鬱如炊釜豈無臺榭高風毒如遭蟲
直疑萬類繁盡欲變脩脯嘗聞崑閬間別有神
仙宇雷散滌煩襟玉漿清濁腑吾欲飛而往於
義不獨處安得世上人同口生毛羽

後園寒步

如何天地舉寒令獨將殺氣凌邊遐公園跬步
亦難往試來舉目成吁嗟長空黯淡作愁色日
光以透雲還遮朔風刮面不吹雪徒擾萬竅掀
黃沙園中索寞不可狀唯視衆木攢枯槎有如
漢將肅行陣遠涉大漠平番家貔貅凍列樹營

壁巨牙長戟何交加老松一二柯葉在外皮皴
裂埋殭蛇幽禽聲好夕絕聽孤城遠近號飢鷄
齋中酒熱忍白酌幾何貧戶無織麻冥冥持權
用意惡直欲萬類殲陰邪窮巖極烈勢未已不
知泉底生陽牙

臘日出獵近郊

悲風吼林霜草白殺氣稜稜慘空碧因畝講事
比其時況值嘉平農已隙暫整和門出近郊獵
獵旌旗原燒赤狩場一望天四垂貔虎意豪猶
恨窄鼓動圍開翼復箕人知部分如刀劃飛走
竄伏不得暇狡兔幸生徒奮擲飢鷹眼捷翅頭

健下韝風發無虛擲鵲奉交擊或未什繼嗾韓
盧追以咋忽穿叢薄失所捕駭馬便縱摩霄翮
不似寒鴟得腐鼠傲然立視鴛鷺赫烏鶻鵲雉
曷足數亦有晨風競搜索其間駭獸欲陵突悍
卒爭趨矜手格前驅反旆弗及舍丘山大委虞
中獲翻車瀉酒犒士衆萬刀割肉恣燔炙塞防
寓令豈徒然不在詩人刺荒癖王者設官猶取
衆大姦宿猾許擒扼乘時廢職莫自效勿謂鷲
鳥無全策別有老狐智計巧只就高城營窟宅
疑冰識板行步穩此日胡由見踪跡鵬兮鷗兮
未得志將軍憤懣如何釋

病鶴貽劉易

塵寰病思苦仙府歸魂勞
秃翼敗風散卑棲掩蓬高
池圃擯時坑鷄鳥豈吾曹
誰知牢落心萬里孤雲高

示直彥

人惟萬物靈各肖天地貌
中人無賢愚在稟交師教
稟則道業成奮躍出泥淖
不稟墜素風陷身于不孝
汝父最汝憐五歲入學校
文采冀日彰謂如隱霧豹
不見汝成人齋恨掩泉窖
汝兮胡不思先矩勉而做
柰何一夕眠乃至巳午覺
開口受飲食摩腹混笑開
四體遂吾懶萬事絕掛撓
習焉而忘返紈綺事不較
高秋八月涼蛟蟆罷蒙單
燃膏繼晷景著撰勤節抄
詔舉有前期富貴孰不樂
忍捐卿相科甘坐閤醯醢

安陽集卷第一

安陽集卷第二

宋忠獻魏王韓琦著

賜進士監察御史安陽張士隆重刊

古風二十二首

謝宮師杜公寄惠草書

公之德業天下重四海萬物思坏鑪太平之策
未全發先朝請老叩帝居天子只欲勵薄俗不
惜一夔從二踈公持儉節出天性下建萬世清
風孤歸卜睢陽旋營第棟宇僅足容妻孥自此
間燕何所樂非絲非竹非歌壺經史日與聖賢
遇參以吟詠爲自娛興來弄翰尤得意真措之

外精草書因書乞得字數幅伯英筋肉羲之膚
字體真渾遠到古神馬初見八卦圖精神熠熠
欲飛動鸞鳳鼓舞龍蛇攄天姿瘦硬斥俗軟狂
藤束纏巖松枯中含婉媚更可愛千葩萬萼爭
春敷開合向背一皆好造化欲徭天工夫張旭
雖顛懷素逸較以年力非公徒公今眉壽俯八
十老筆勁健自古無固知大賢不世出百福來
萃相所扶公之佳壻蘇子美得公一二名已沾
矜奇恃雋頗自放質之公法慙豪籀乘歡捧以
示僚屬一坐聳駭歎且呼便欲刻石傳不朽荒
邊匠拙無人模歸來一一戒兒姪祕重世與冢
謀俱重巾密橐真吾室寶護直比驪頷珠神物
孰敢容易探電電靈靈來須臾

遊開化寺

開化得地勝崇侈何代作金山鏡佛身萬木亘
高閣突然數百八較力陋禹鑿峯巒翠環合與
寺爲郭郭煙霞無四時爲我張去帷幙飛泉乘
空來直在庭砌落松栢森成行鬪狀蛟龍惡如
整萬人陣偏伍不敢錯春芳難悉名紅紫競灼
灼點綴巖壁間圖畫曾未若年城纔一舍曠絕
類霄堦噫吾何自勞日窘吏事縛到官踰二暮
未克造林壑引疾得鄉邦書錦行遂著猛拋公

几煩不負真境約精廬始一登百慮已澄緝徘徊延賓僚開席盛燕酌歌留嶺上雲吹亂風前鐸勿譏清賞累粗繼東山樂數刻方暫歡俄景忽西薄歸鞅下危岑眷戀心欲却何處無林泉隔闕牽寵爵終期報國家功業效涓勺連露乞骸章不待七十削歸來解朝紳放意任衡霍超然出世紛安步適冲漠山蔬充盤筵村釀滿瓢杓吾壽此其全何必不死藥

再賦

蒙山崦裏藏禪宮朝蒼暮翠嵐光濃枯松老栢醜醜怪危巒峻嶺相彌縫劍峽路岐唯少棧

塵容
關氣象全無烽恩深報淺來未得暫留金節開

晉祠魚池

女郎祠下池清瑩薄山脚游鱗明鑑中素恃神可託群嬉不畏人似得天真樂祠者常見憐投食任爭綽且疑神佑之縱曉安敢摸達者時公攘羹鮓陷烹斫神乎所保扶未免挫陰惡何如致君人其道本宏博天下日唐虞聲教盡薰灼推此及微類魚鱉得咸若

難老泉

晉源發濫觴勃勃漲春絳泓然一鑑開俯視神

意肅游儵何大繁戢戢開如粥烏能污吾清更
足示容蓄中或起蛟龍威怒鼓天福膏澤被九
區靈德潛山麓平時仕疏達所存終海濱常豐
沃稻梁餘潤霑花木伊予臨此泉自得仁人勗
奚專智者心犇走無停躅

甲午中秋夜不見月

中秋待月高樓上浮雲妬明暹頑黑姮娥積貯
一歲光欲放天下不可得今夕實繫天下望未
必舉世惟遮塞歡明感暗一時偏人不咎天雲
所職吾問雲兮爾無心胡為動與人相賊歲旱
不能含雨來翻於此夜濃如墨吾欲獨仗倚天

劍上決重陰走女姦匿空中奪出黃金盤萬寓澄
然同一色

病中望雪

日日顛風喧病枕曾無片雲飛虛空方嘆大疾
被囚縛敢請上帝前民豐人囑衰翁略外事心
存衆庶能寬中紛紛盈尺諒旦夕和霽迎得春
融融

離并州至晉祠次韻荅宣徽富公

公名傑出天下賢終身師慕常顛顛十年一面
數日別行行不忍移歸輶剛腸出淚收還注感
公知已難違去黃昏病作宿荒城離緒不堪紛

似雨

塗次荅宣徽富公書意

臨并踰二暮病感居其半雖以志自勉精識柰
耗亂故於一道事十六七不幹貪權莫即辭罪
大孰可追納節求本邦所幸脫誅竄君仁惻至
誠亟俾賢者換與公同心人金固共利斷安然
解印歸萬喜無一惋爲別信宿來書日慰愚懦
張瑟久不調易調猶未斷非才辱公知處道誠
一貫至於措置間在理有殊判不當牽以私經
畫誤遠算願公新政條布若星日燦害邊者剗
除垢俗者滌沉使茲全晉民比屋競聳觀僕遠

聞公爲省過文敢憚雖有好事徒議論惡得聞
畫錦堂

古人之富貴貴歸本郡縣譬若衣錦遊白晝自
光絢不則如夜行雖髻胡由見事累載方冊今
復著俚諺或紆太守章或擁使者傳歌樵忘故
窮滌器掩前賤所得快恩仇愛惡任驕狃其志
止于此士固不足羨茲予來舊邦意弗在矜銜
以疾而量力懼莫稱方面抗表納金節假守冀
鄉使帝曰其汝俞建纛往臨殿行路不云非觀
歎溢郊甸病軀諧少休先隴遂完繕歲時存父
老伏臘潔親薦思榮孰與偕衰劣愧獨擅公餘

新此堂天豈事飲燕亦非張美名輕薄詫紳弁
重祿許安閑顧已常兢戰庶一視題榜則念報
主眷汝報能何為進道確無倦忠義聳大節匪
石烏可轉雖前有鼎鑊死耳誓不變丹誠難悉
陳感泣對筆硯

康樂園

惟人生多艱康世豈易偶服業罔不勤樂事豈
常有朝家恩澤寬宣布在封守体民當有時使
得遂仁壽時而無所適是不守之咎相署雖有
園狹陋日已久州人歲節遊若度一筒口至則
無足觀疊跡但虛走遂令歡賞心歸去成煩嘔

有園隔牙城廣袤半百畝我來闢而通高戶敞
軒牖其中完廢臺雄壯卑培樓城野四望門萬
景如在手疏池育蓮芰表道植楊柳糞壤悉反
平除桃李換葱蒨成時寒食春觀者惟恐後人
一變雍闕曠若在郊藪或相攜以歌或相醉以
酒知為太平民歎語競聚首曰非時之康還得
此樂不予因揭是名命意安敢苟兀茲屏翰賢
一境實父母必與衆同樂斯地肯藜藿作詩告
來者庶可傳不朽

休逸臺

牙城之北即大圃中有廢臺名抱螺基圓有道

盤屈上故以螺目義匪佗當時興者擇池審氣
象爽塏形勢多今如孤塚但荆棘不知墮壞年
幾何背城人迹既罕到往往滿歲無一過我來
侵圃治兵庫得披榛莽登巍峩襟懷豁若出塵
外四視天未窮纖羅滿城風物聚掌上紅芳絳
樹明交柯太行之下不可數萬峯起落如翻波
比來州域盡平地孰若舊鄴襟山河此爲遊覽
最佳處遂施畚築完陂陀臺頭結宇尚簡朴臺
面甃壁嚴鐫磨魏宮冰井久堙沒鐵梁有四淪
耕禾精剛之質不少動俚俗傳訛鄰妖訛云有
神物常默護守令千百無敢拖我憐古物輦而

至爲臺之柱植四阿州人聞至極驚異就臺觀
老眉相摩撈以休逸豈獨尚與衆共樂乘春和
主人間復命賓酌樽前隨分絃且歌病來飲興
直衰淺獻酬勉強顏須配退嘗內省爾何德爾
求自逸人譏訶反思吾本任忠義日不作偽心
無頗君恩至厚假鄉守正宜休比祛餘痼疴屢
報國未能奮慨然倚檻空長哦

荅章望之祕校惠詩求古瓦硯

魏宮之廢知幾春其間萬事成埃塵唯有昭陽
殿瓦不可壞埋沒曠野迷荒榛陶甄之法世莫
得但貴美璞踰方珉數百年來取爲硯墨光爛

發波成輪求之日盛得日少片材無異圭璧珍
巧工近歲知衆寶雜以假偽規錢絡頭方面凸
槩難別千百未有三二真我來本邦責鄴今朝
搜暮索勞精神遺基壞地徧阮窟始獲一瓦全
元淳蘇斑着骨尚乾翠夜雨點漬痕如新當時
此復近簷溜印以篆字花其昏磨龔累日喜成
就要完舊質知無倫吾才寡陋不足稱思與好
古能文人好古能文今者誰武寧祕書章表民
無詩尚欲兩手付何況大雅之秦聞鏗純

荅陳舜俞推官惠詩求全瓦古硯

鄴宮廢瓦埋荒草取之爲硯成堅好求者如麻

幾百年宜乎今日難搜討吾邦匠巧出其業能
辨瓌竒幼而老隨材就器固不遺大則梁棟細
焚燎必須完者始稱珍何殊巨海尋三島荆人
之壁尚有瑕夏后之璜豈無考況乎此物出坏
陶千耕萬斲常翻攪吾今所得不專全祕若英
瑤藉文縑君詩苦擇未如意持贈只虞哈絕倒
君不見鎮圭尺二瑁四寸大小雖異皆君寶

觀胡儿齡負外畫牛

丹青之筆奪造化能者幾何登品鐸蛟龍寧惡
鬼神怒更工不接時人目有形之物至者稀是
否難欺衆所矚絳臺胡掾文章外偏向畫牛其

好酷海內馳名三十年得者珍藏過金玉老來
纔始着青衫養親不及朝家祿前日野服忽相
過云訪恩知走京轂微風入指未能畫示我蠟
本數十幅採摭諸家百餘狀毫端古意多含蓄
鬪者取力全在角卧者稱身全在腹立身鬚鬣
精神慢背者分數頭項促行者動作皆得群乳
者顧視真怜犢當流泗戲益自在欲渡或疑猶
蓄縮從容飲嚙得天真荷鞭時有童兒牧或橫
一笛坐牛角便是無聲太平曲江天雨雪易溟
濛風勢掀號摧古木欺斜衰笠趁牛歸蕭疎暮
景煙村宿竒裁胡掾老筆不可到載叟重生須
死伏吾觀諸牛之態雖盡妙尚有所遺思未孰
牛於生民功最大不盡牛功牛亦辱胡君胡君
聽我言別選輕綃成巨軸寫出區區未報勤貴
知天下由吾方食足

中秋對月送姚闢教授南歸

去歲中秋安帥并今歲中秋病守相并遙極口
詈浮雲終夕蟾光被遮障相臺此夜天如水露
壓涼風秋氣王有客軒然襟義高直自睢陽來
一訪相與僚賢共茲賞坐看玉輪從海上皓色
疑專白帝權晴舒萬寓俱澄曠斜漢昭回列
繁收縮精神烏敢放有如大臣得時用上化恢

宣管業暢千官戢伏任施設默默坏陶從巧匠
金波漸轉落金樽酒色映空寒動蕩一宵清景
換齊宴自得詩人難擬狀時揮大白日嬋娟意
入杳冥搜絕唱勿嗤幽圃陋吾邦吾樂不知崑
與閬人生聚散固難必明年此會知何向相逢
對月復開懷詩筆闌豪杯闌量不然千里起相
思百尺樓高同一望

喜雪

至和乙未夏二麥死大旱秋田不下種熬然六
月半天意忽悲惻滂澤遂瀰漫九穀飽甘滋時
若被溉灌一變大有年農籍脫逋竄既豐復不

雨累月病乾暎驕陽發仲冬溫氣襲問問斂輸
誠無艱瘡癘恐莫追何期日至前風怒陰不散
吹開六出花空際自凌亂徐徐失埃氛稍稍重
枝幹移時平瓦隴逮夕沒田畔雖下不及尺近
歲亦稀看瑞謀宜首書他物烏足冠始寤天之
神俾下不可算小民徒怨咨一顧回屯難君子
當信天夷險存大觀惠姦豈固然福善終冥判
吾喜開吾樽對客共歡歎一病久誠飲當席由
吾斷引滿且酣歌輕凜談間扞未必不因此反
得攄吾患

別鎮陽監倉陳薦祕丞

一紀帥三垂待士敢不至推誠以求應百不得
一一彥升其應者所應由道義幕中六七年始
卒無少異嚴霜摧萬木老栢彌蒼翠烈火熾三
口良玉自溫粹奉親不可留含笑就委吏須代
處洛邑潔羞勤以遂我病來相臺去客無所覲
彥升兩見過顧舊不顧利言別之遠官驚撫飼
騏驥啼齧齧勿較所困非吾類自古賢者為爭
免不肖忘坐待天衢亨萬里觀騰轡

寒食親拜二墳因誠于如

春色清且明節盛一百五寒食遵遺俗潑火霽
微雨非才忝國恩因病得吾主何以知殊榮此

日奉祖宗新安惟皇考豐安則王父松楸各萬
株崗勢擁城府二塋相去間近止一舍許前晚
揭旌牙蠲潔且巽俎芬馨達孝誠優若待容語
禮成無一違觀者競墻堵退惟愚小子未老膺
旄斧顧已胡能然世德大門戶思為後嗣誠永
未著家矩子姪聽吾言汝各志心齋汝曹生綺
紉得仕匪難苦學業勤則成富貴汝自取仁睦
周吾親忠義報吾主間須求便官墳隴善完補
死則託一塋讌勿葬他所得從祖考游魂魄自
寧處無惑葬師言背親圖福祐有一廢吾言汝
行則夷虜宗族正其罪聲伐可鳴鼓宗族不繩

之鬼得而誅汝

初赴早朝

踈星掛闕角落月含輕雲兀兀馬上身叱叱馬
前人瘦骨酸秋霜病瞳昏陌塵自顧爾空空胡
以禪吾君

次韻荅子淵學士

憶昔明道初窮冬極短晝給札金鑾坡孤拙並
髦秀諸公名世才奮筆若神祐蕪辭亦見收聖
造等天覆子淵親契深實出回試右自茲接珍
群軒翼抑紫宙忠義必相勉權利孰肯就洞照
無隱情膏臆爛辰宿宦路有亨塞叨竊愧鄙陋

同時聚德星一慰荀陳舊

寄題西京致政張郎中靜居院

休官得宴閑理固居處靜中或不自達觸物撓
天性遂令優游心反致寂寞病二川有耆英識
豈斯人並周才當要職美譽著群聽氣體殊未
衰援禮請還政安車得西歸蕪沒治三徑蕭然
絕世紛日以道自勝以靜名厥居內外了相稱
君懷本清虛復此休泉瑩君道本和樂況育琴
樽命新堂闢四隅立意尤高迥院之四堂有夷
心會真清白金
矚之夷襟造真境友益具子令藥品稽神仙門
法尚忠正肌膚松菊香君餽松菊
已如故云庭砌芝蘭盛

天宜錫難老以示君子慶予亦希君者誤寵竊
機柄無裨紫極尊動有亦松興報國苟錙銖竄
身違陷奔雅志吁未諧高山徒景行

安陽集卷第二

安陽集卷第三

宋忠獻魏王韓琦著

賜進士監察御史安陽張士隆重刊

古風九首

戊申臘寒

朔風吹苦寒近歲省未有重裘不可禦凍袖敢
出手初嚴刮面膚漸虐搖臂肘終難凌壯肌殊
易挫衰朽持觴欲爲敵病胃怯戰酒茵情通作
冰強卧安得久擁臯反收吟其孰噤汝口何心
窺園池銳意墮戶牖流庸方滿冷天不念黔首
吁嗟卒無柰默坐筭五九

榮歸堂

非才不四鄰待罪涉一紀妨賢得云久不退不
自耻永厚復土初疊奏犯斧宸乞身臨本邦多
疾便攝理帝曰吁汝琦輔翼甚勞止今俾爾榮
歸揭節治以里均逸向盛辰寵異固絕擬整裝
將北轅羌釁北西鄙俄易帥咸秦盱食諭所倚
艱難惡敢辭奔走奉寄委天聲方震揚狡宄懼
夷毀款塞械凶酋唯幸赦狂詭疆事計日寧拙
疹乘衰起披誠叩仁再遂守桑梓厄疲解劇
煩寔息良自喜困也昔恢拓顧覽盡遺軌獨於
北塘北地勝失經始前人欲興作就此創基址

中轍如有待命我成斯美鳩材亟俾功因陋謹
增後芳外環密陰鯨口下洹水吾堂据其陽萬
象來明煒匪直怡病襟相足具賓筵僚屬請吾
名在景或在已吾謂夸風光未若尊制肯視勝
以思報義實書錦比或突此翁愚榮極尚不已
鄉間得暫休胡自勤勒耳吾曰勤雖愚吾慮亦
長矣天地施大恩報一盡螻蟻終期謝貴仕歸
第保頽齒吾舍與公足相去百舉豈無賢太
守有意待園綺安車時一來為我此加禮
謝弁帥王仲端明惠葡萄酒
并門昔歲叨擁旄公酒熟醺葡萄酒公時帥渭

輒馳獻助臨軍享投
骨雅健凌風騷公今
疲勞却煩新釀遠相
拜賜喜自酌持杯有
寄亭燧滅警兵鋒韜
老曾襟豪當筵引滿
間折圓荷代舉酌坐
興尚逸直欲拍浮騰
目眇淚頭無毛較前
釐毫復嬰風眩戒食
公醞敢輕用留吞藥
方驂辱公詩答極愛重氣
八鹵盛開府我得鄉守均
出故人義比丘山高衰翁
心生鬱陶憶昨朔邊被朝
竹平會數景物好齒髮未
用勝負金船灑溢翻紅濤
谷駭去如奔逃我乘餘勇
已艘此來病質極枯瘠兩
飲量復何有十分耗謝餘
木甕口絕望露珍螯雖然
傾甘膏縱逢嘉客銜公

既三爵已命緘封牢錦堂風和弄弱柳螺榭日
暖烘天桃茲辰慶我重加惠勉與父老同春邀

安正堂

公居胡菴為非事土木盛湫隘必氣鬱爽豈則
神瑩全魏今別都地總北道勝輶傳既旁午
訴亦紛競惟日過目前豈暇圖休靜因仍府舍
間敞壞殊不稱茲余忝帥守上責賦荒政無術
濟飢流感速賴仁聖連書大有年愁感變謳詠
漸舒綏集勞獲治淹痼病願生擇所宜宴息務
清迴乘閑新此堂庶用安吾正汝正界何如自
得本天性進特仗孤忠逃免全剛勁內確信吾

守外一歸諸命安然而處思吾宇其泰定詩酒
延嘉賓二戰或酣營笙歌樂以辰高郢下溪鄭
射圃夾群芳角妙資豪興所適敢專享意實在
遐愛繼來皆鉅公同調夾相應從容坐鎮餘浩
氣端而挺將寧道德淵諒悉欣流泳知不廢吾
堂足可以前慶

善養堂

金銅飾巨扉其上覆高屋青石鑿雙鞞其下走
彫鞞東西翼危墉陰以扞攻觸自昔藩鎮強尚
此存遺躅後守營厥居郵擬苦迫促余來亦患
之重改敢輕速會茲歲月深朽敗鮮完木一旦

忽傾摧僭迹鉅可復余得矯前爲命徒墮舊築
堂皇遂延袤興寢適涼燠廊廡悉舒明瞻望快
耳目移樓成廣廈面勢壓平陸旣忘登陟勞又
遠顛躋辱外將延賓僚內足燕親族乘閑娛詩
書遇節振絲竹願真與放懷動靜獲所欲於氣
責能養在禮思無瀆侯邦謹法度是克綏遐福
躡制苟幸免更久猶追戮吾居已絕嫌道義斯
同育

孫賁書記以齊安舊文爲示感而成詠

余兄天聖中尚抑齊安守余遭所生憂得歸侍
左右孤榮獲苟存朝夕賴誨誘兄材無不宜吏

治孰可偶公庭常寂然所樂在文酒臨江三四
樓次第壓城首山光拂軒檻波影撼窓牖原鶴
歎集間萬景皆吾有兄詩豪且奇氣燄摩星斗
優游預賡和惟自媿荒醜于今四十年日月甚
奔走當時相聚者十已喪八九嘗爲春亭記烏
敢示不朽孫君里中來云亭廢亦久徒有舊文
在况足失其手兄後見曾孫弟老成衰叟一身
雖寵榮百慮鉅紛糾何如昔日歡投泣念愛友
先塋東北隅有泉勃而出奔跳若爨鼎萬眼沸
不一始雖稍泓澄漸乃肆洶涌吾嘗展祀餘愛

開泉

玩必終日爰從大早來數歲竭如室傷哉利澤
源頓爾藏於密吾今具畚鍤試欲疏潛屈開無
數尺間舊脉俄騰溢涓涓力尚微勢已舒沈鬱
我願天道常不使五行失均調四氣和寒燠皆
從律宣其潤下功復得霑群物

虛心堂會陳龍圖

余嘗愛此君中虛外有節手植數年間萬戟競
森列爲堂於其中一境遂清絕雖歸臨本邦事
豈免羈紲不得時相親固負好風月方將乞殘
骸就第養衰拙孤懷造崑閭直氣卷金鐵終日
對嬋娟卒歲伴高潔春來忘芳菲夏至失炎熱

秋深凌嚴霜冬暮映積雪居無一不宜嘯傲遠
塵媒茲樂期誰同實係長者轍相從挹天真共
話到禪悅簪籜豸冠聳柱笏犀林折乘醉卧踈
影敲玉應仙闕此志吁未遂對酒勿輕別

醉白堂

鸚老新成池上堂因憶樂天池上篇樂天先識
勇退早凜凜萬世清風傳古人中求尚難擬自
顧愚者孰可肩但舉當時池上物媿今之有殊
未全池東無廩貯餘粟池西無亭揮五絃中無
高橋跨三島下壓鰲背浮清漣其間合奏散序
者童妓百指皆婢娟平無三石展湘簞靜無雙

鶴翹丁仙雅無吳郡青版舫游泛安便牢且堅
吾今謀退亦易足池南大屋藏群編一車豈若
萬籍富子孫得以精覃研夾堂脩竹抱幽翠森
森擁檻竿逾千池中所出粗可愛艾盤菱角紅
白蓮芍藥多名來江都牡丹絕艷移洛川及時
花發池左右香苞爛染朝霞鮮鸚老于此興不
淺間會賓屬陳芳筵妖妍姬侍目嘉卉呶啞絲
竹聽平流泉宜城釀法亦云美詩酒僅可追前
賢狂吟氣健薄霄漢豪飲體放忘貂蟬酒酣陶
陶睡席上醉鄉何有但浩然人生所適貴自適
其適豈異白樂天未能得謝已如此得謝吾樂

知誰先

安陽集卷第三

[Faint vertical text columns, likely bleed-through from the reverse side of the page]



